

**SOALAN LAZIM PEROLEHAN KERAJAAN
BERIKUTAN PELAKSANAAN PERINTAH KAWALAN PERGERAKAN DI BAWAH
AKTA PENCEGAHAN DAN PENGAWALAN PENYAKIT BERJANGKIT 1988 DAN
AKTA POLIS 1967 AKIBAT WABAK COVID-19 (18 – 31 MAC 2020)**

Kerajaan telah memutuskan pada 16 Mac 2020 untuk pelaksanaan **Perintah Kawalan Pergerakan (PKP)** mulai 18 Mac 2020 hingga 31 Mac 2020. Sehubungan itu, arahan ini juga merangkumi penutupan premis Kerajaan dan swasta kecuali bagi perkhidmatan penting negara (*essential services*) selaras dengan Akta Perhubungan Perusahaan 1967 [Akta 177]. Definisi perkhidmatan penting negara (*essential services*) adalah seperti yang digariskan oleh Akta 177 dan panduan yang dikeluarkan oleh Majlis Keselamatan Negara (MKN).

Bagi memastikan perkhidmatan penting negara (*essential services*) tidak terjejas, Kementerian Kewangan Malaysia menyediakan soalan lazim untuk dijadikan panduan oleh Agensi Kerajaan.

Bahagian Perolehan Kerajaan
Kementerian Kewangan Malaysia
17 Mac 2020
4.30 petang

BIL.	SOALAN	JAWAPAN
Perolehan Baharu		
1.	Bolehkah perolehan <i>hand sanitizer</i> , termometer atau topeng muka dilaksanakan secara perolehan darurat?	Ya, boleh. Agensi dibenarkan untuk melaksanakan pembelian melalui kaedah perolehan darurat bagi tempoh PKP ini sahaja.
2.	Adakah pelaksanaan perolehan boleh diteruskan oleh agensi berkaitan taklimat tender/lawatan tapak yang dijadualkan dalam tempoh PKP?	<p>Pelaksanaan perolehan iaitu taklimat tender/lawatan tapak perlu ditangguhkan ke satu tarikh selepas tempoh PKP. Oleh itu, agensi dibenarkan melanjutkan tempoh iklan dan mengemaskini tarikh baharu taklimat tender/lawatan tapak.</p> <p>Kelulusan pelanjutan tempoh iklan boleh menggunakan apa jua media komunikasi yang pantas seperti e-mel dan lain-lain medium.</p>
Kontrak Perolehan Semasa		
3.	Adakah pelaksanaan program/projek yang sedang berjalan perlu diteruskan dalam tempoh PKP?	<p>Sebarang program/projek yang telah dikeluarkan Surat Setuju Terima (SST) atau telah mempunyai kontrak dan tidak disenaraikan di dalam senarai perkhidmatan penting negara (<i>essential services</i>) <u>hendaklah ditangguhkan</u> melalui arahan bertulis oleh Pegawai Penguasa (SO)/Pentadbir Kontrak/Wakil Kerajaan dalam tempoh PKP.</p> <p>Arahan tersebut adalah selaras dengan klausa <i>force majeure</i>. Keadaan ini boleh digunakan akibat penularan wabak COVID-19 tertakluk klausa <i>force majeure</i> ini jelas dinyatakan di dalam kontrak (contoh: PWD203A – Klausa 58, Klausa 17 dalam Perjanjian Piawai Kawalan Keselamatan).</p> <p>Bagi perolehan yang tidak memperuntukkan klausa <i>force majeure</i>, Kerajaan masih boleh menggunakan prinsip dan prosedur <i>force majeure</i> bagi menangani isu penangguhan program/projek. Arahan penangguhan perlu dimaklumkan kepada syarikat secara bertulis.</p>

BIL.	SOALAN	JAWAPAN
4.	Adakah mesyuarat Lembaga Perolehan, Jawatankuasa Sebutharga (JKSH) serta mana-mana jawatankuasa yang berkaitan perlu diteruskan dalam tempoh PKP?	Mesyuarat Lembaga Perolehan dan Jawatankuasa Sebut Harga (JKSH) serta mana-mana jawatankuasa yang berkaitan <u>ditangguhkan</u> sehingga tamat tempoh PKP.
5.	Adakah tempoh sah laku bagi tender yang ditangguhkan boleh dilanjutkan dalam tempoh PKP?	<p>Tempoh sah laku tender yang masih berkuat kuasa, boleh dilanjutkan sekiranya perlu. Kelulusan pelanjutan tempoh boleh menggunakan apa jua media komunikasi yang pantas seperti e-mel dan lain-lain medium.</p> <p>Semua tender bekalan dan perkhidmatan melalui sistem ePerolehan (eP) yang akan tamat tempoh sah laku tender mulai 18 Mac 2020 hingga 7 April 2020, tempoh sah laku tender akan dilanjutkan selama 60 hari secara automatik.</p>
6.	Bagaimana kedudukan tender/sebutharga yang telah dipelawa tetapi tarikh tutupnya dalam tempoh PKP?	<p>Tarikh tutup iklan boleh dilanjutkan ke suatu tarikh yang bersesuaian.</p> <p>Agensi hendaklah mengemaskini maklumat tarikh tutup/ tempoh iklan baharu melalui sistem yang berkaitan (eP/MyGPIS).</p>
7.	Adakah pelanjutan kontrak dan pertambahan kuantiti/nilai perkhidmatan penting negara (<i>essential services</i>) perlu dibawa kepada Pihak Berkuasa Melulus (PBM) asal selaras dengan AP201?	<p>Dalam tempoh PKP, PBM tidak bersidang dan kelulusan pelanjutan mengikut AP201 tidak boleh dibuat.</p> <p>Bagi pertambahan kuantiti/nilai perkhidmatan penting negara (<i>essential services</i>), agensi boleh melaksanakan perolehan darurat berdasarkan tatacara sedia ada. Skop pembekalan/perkhidmatan hendaklah setakat untuk menampung keperluan keadaan yang berkenaan sahaja bagi mengelakkan perkhidmatan yang penting tidak terjejas.</p> <p>Agensi hendaklah mengawal pelaksanaan perolehan darurat ini berdasarkan tadbir urus terbaik.</p>

BIL.	SOALAN	JAWAPAN
8.	Apakah status tuntutan bayaran bagi invois yang telah diserahkan kepada Agensi sebelum/semasa tempoh PKP?	Walaupun projek/program ditangguhkan pelaksanaannya, namun tuntutan bayaran bagi pembekalan/perkhidmatan/kerja yang telah disempurnakan dan lengkap invoisnya serta dikemukakan kepada Agensi sebelum/semasa tempoh PKP, pembayaran boleh dibuat selaras dengan syarat kontrak.